

# Communicaziun a las medias BCG

## La Banca Chantunala Grischuna sustegna la chasa da terapia Fürstenwald

**Cuira, ils 4 da mars 2016 – la Banca Chantunala Grischuna (BCG) sustegna la chasa da terapia Fürstenwald a Cuira cun passa 3'000 francs. Questa contribuziun è in ulteriur mussament per l'engaschament social da la BCG.**

Enquistas da la clientella dattan a la BCG infurmaziuns impurtantas per pudair meglierar ses servetschs e process. Per mintga questunari returnà paja la banca mintg'onn ina contribuziun ad in'instituziun grischuna che s'occupa dal bainstar d'uffants e giuvenils. Questa giada surdat la BCG 3'120 francs a la chasa da terapia Fürstenwald.

«Nus realisain en la chasa da terapia mintg'onn differents projects integrativs, per exempel ans participain nus ad in turnier da ballape public. Qua vai per spiert da gruppa, fairplay ed il plaschair vi da l'atgna prestaziun sco era per pudair ir enturn cun terradas e frust. Ina buna preparativa per la reintegraziun en la scola publica. Grazia a la donaziun da la Banca Chantunala Grischuna èsi pussaivel da porscher novas experientschas positivs a noss giuvenils», sa legra Rolan Kurmann, manader dals pedagogs socials.

La [chasa da terapia Fürstenwald](#) è ina chasa per instrucziun speziala che maina in externat ed in internat per uffants e giuvenils che na pon per motivs psichics temporarmain betg frequentar ina scola publica. Malgrà ina buna intelligenza na vegnan els savens betg a frida cun la scola e cun l'ambient social e dovràn agid professiunal. En la chasa da terapia Fürstenwald collavuran stretgamain pedagogs curativs, pedagogs socials, psicologs e medis. La finamira da la dimora en la chasa da terapia Fürstenwald è da puspè integrar ils scolars en la scola publica.

### Contact per collavuratur da medias:

Banca Chantunala Grischuna, Medias & Investor Relations, Chascha postala, 7002 Cuira

Thomas Müller, [thom.mueller@gkb.ch](mailto:thom.mueller@gkb.ch), telefon +41 81 256 83 11

Plutarch Chiotopulos, [plutarch.chiotopulos@gkb.ch](mailto:plutarch.chiotopulos@gkb.ch), telefon +41 81 256 83 13

La Banca Chantunala Grischuna sin:

[gkb.ch/medien](http://gkb.ch/medien) | [Twitter](#) | [Facebook](#) | [YouTube](#) | [Flickr](#) | [Xing](#)

---

### Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per persunas privatas, l'economia ed il maun public. La banca occupa l'052 collavuraturas e collavuratur (stadi dals 31-12-2015). En il chantun Grischun cun sias numerusas vals e pliras linguas, è l'interpresa represchentada cun 62 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il quint annual preschenta ella cun ina summa da bilantscha da CHF 23,284 milliardas in gudogn dal concern da CHF 168,2 milliuns. Il scrit da participaziun BCG è quotà a la bursa dapi ils 10 da settember 1985.

#### Termins

Radunanza dals participants: 19 da mars 2016

Rendaquint semestral 2016: 29 da fanadur 2016

---